



S Adelbertus multis uirtutibus & omni genere literarum insignis extitit, atq; Colonia in templo S. Maximini Euāgelium prædicauit. Eius tempore Otto Magnus Imperator Archiepiscopalem Ecclesiam Magdeburgi constituerat, atq; sex finitimos Episcopatus ei subiecerat. In eo loco hunc Adeldertum primum præfulem constituit, atq; eū multis priuilegijs & immunitatibus exornauit, anno 950. Itaq; S. Adelbertus suam Ecclesiā magna diligentia administrauit, atq; uicinos Vandalos ad ueram religionē uerbo & exemplo pellexit. Hoc modo magna dexteritate in eo loco diu præfuit, ac sua eruditione & uite innocentia ubiq;

conspicuus extitit. Tandem fato functus magnum apud omnes sui desiderium reliquit, Crantz, in Sax, lib. 4, cap. 16.